

Koblenzer Mundart:

Faasenachtsgeck

Ihr Leut, et es net zo bestreite,
en urwüchsije Faasenachtsgeck -
dä es doch wäirklich zu beneide,
ä trieht dä Schalk stets im Gepäck!

Egal, wo ä sich grad betätigt
em Rampelicht, oder em Saal.
Die Hauptsach es, dat ä bestätigt,
die Faasenacht - dä Karneval!

Em Narrescheff met vollem Sejel
ginn jetzt die Gecke all off Fahrt!
Dä „ein“ hält jedem vur - en Spejel,
übt Kritik - off en spaßig Art!

Dä anner Geck heppt em Gewimmel -
su richtig romm, ganz onbeschwert.
Ä fällt aus seinem Narrehimmel
am Aschermettwoch off die Erd'!

Wer Schlechtes sich well erlaube,
es keine echte Faasenachtsgeck!
Dä doht dem Spaß dä Sinn nur raube
on brengt dem Brauchtum winnig
Gleck!

En Faasenachtsgeck es net verdorwe
ä lacht - on möcht ons lache sehn -
do es noch keiner drahn gestorwe -
Ohlau, haha, es dat net scheen??

Katharina Schaaf

6. Febr. 1975 Kath. Schaaf